



دفعه  
۸۳  
م  
۱۱

۱۲۵۰  
سنة

**\* امور داخلیه \***

جناب باری تعالی و تقدس اشو سال جدید مسرت بدیدی پادشاه  
مجدد منقبت و شهنشاه باهرار اُفت افتدیمز حضرت ترینه متین و مسعود  
وسال بسال ذات کروی صفات ملوکانه لرین رونق تحت عالیجنت زرانود  
ایلسون آمین تجدد سائده تبریک و تفأل کونه نظما و نثرا تاریخ حسابی  
دأب دیرین سخن شناسان اولغله اقدم شعرا عینی افندی \* لفظ و معنادن  
دیدم عینی سنه تاریخی \* بیک ایکبوزاللی بوییل سال سور پسرور \* و \* منقوط  
و مهملدن دیدم عینی دوتاریخ سنه \* هر ساله محمود خان مسرور و خرم  
حمد اوله \* مصر اعربی و موالییدن رئیس الکتاب و اصف افندی زاده  
لیب افندی \* شه محموده سعد اوله سرور یله بوسال نو \* مصر اعنی و مدرسیندن  
رفت بک افندی \* سعد اوله محمود خانه هر سنه \* مصر اعنی وینه مدرسیندن  
بغدادی عبدالرحمن افندی \* موسم سور سعادتدر بوسال \* مصر اعنی و دیوان  
همایون کتبه سندن اولوب حالاشمیده بناامینی کاتبی طالب افندی \* خان محموده  
مبارک ایده سالن یزدان \* ایله \* هجرت بیک ایکی یوز الیبسی کردی سعیدباد \*  
خان محموده همایون ایده باری سالی \* تاریخ لرینی بولمش وینه طالب افندینک  
بولدیغی \* ایده نوسال عدلی خان محمودی سعید الله \* تاریخنه مدرسیندن  
قارصی زاده جمال الدین افندیله مدرس زاده عارف افندی خدومی خیر افندی  
دخی توارد ایتمش ووهی زاده خیری افندی \* سالی بنی اسعد ایله سلطنتان  
محموده خدا \* و بغدادی سید خضر افندی دخی \* سال نو برخان عدلی باد  
محمود یاودود \* مصر اعربی بولمشدر

بهر سنه روز خضر ابتدالزنده اسبان خاصه حضرت شاهانه نک چاره اخراجی  
عادت سنیه دولت علیه دن اولوب جناب حق و فیاض مطلق ولی نعمت بیمنتز  
شهنشاه جهان افتدیمز حضرت ترینه و سایه معدلتوایه حضرت جهانبا نیرنده  
بالجمله عباد صداقت معتاد لری حقنده باعث انواع ین و سعود بیورسون  
اشبو سیال جدید شرف بدید محرم الحرام نک غره سی اولان جمعه  
ایرتسی کونی متعلق بیوریلان اراده سنیه جناب ملوکانه موجبجه  
اسبان خاصه جناب شاهانه نک چاره اخراجی رسمی اجرا  
و بر معتاد ذخیره ناظری اغا حضرت لری طرفدن ترتیب و تهیه اولتان ضیافته  
لطف و کرمار غیبت سنیه جناب خلافتناهی شایان و سزا بیوریلهرق  
یوم مذکورک بروجہ محرم الحرام غره غراسند یعنی سنه جدیده باهرة  
المینه نک ابتدی شرف پیرا سنه نعم التصادفی حسبیه هم ضیافت  
مذکوره بولنلق و هم سال ین اشمال نوینک تبریک و تسعیدی رسم ممدوحی اجرا  
اولنلق اوزره سعد آباد ده کائن قصر معلای همایونده رکاب کامیاب رسم  
عالبسنگ اجراسی امر و فرمان همایون شاهانه بیورلمش اولدیغندن ذات حضرت  
صدراعظمی ایله دولتلوسماحتلوشیخ الاسلام افندی و دولتلوسر عسکر پاشا  
و دولتلو داماد پاشا و قپودان پاشا و منشا سنجاغی متصرفی خلوصی پاشا  
و کتخدای دولت علیه محمد سعید پرتو افندی حضراتی قصر همایون مذکوره  
عزیمت ایله ضیافت عالیله بوانه رق و مبارک خاکای معالی پیمای جناب  
ملوکانه به دخی رخسوده عبودیت اولهرق نائل التفات و حائر فخر و مباهات  
اولمشدر

سور همایون میاهتمرون حضرت شاهانه بولنملری شرفچگون سعادت

دعوت اولتان وزرای عظامدن قره حصار صاحب سنجاغی متصرفی صدر  
اسبق دولتلو عزت محمد پاشا و و دین محافظی حسین پاشا و روم ایلی والیبسی  
حسین پاشا و ترحاله سنجاغی متصرفی مصطفی نوزی پاشا و قرمان والیبسی  
الحاج علی پاشا و سلانیک محصلی عمر پاشا و سیروز محصلی ابراهیم پاشا  
و آیدین محصلی یعقوب پاشا و سلستره والیبسی سعید پاشا و وارنه محافظی  
دلاور پاشا حضراتی و مشایخ کرام و علمای ذوی الاحترامدن سلاله طاهره  
حضرت مولانا قدس سره الاعلادن رشادتلو چلبی افندی و عمده مشایخ  
عارفیندن زهادتلو کرده لی الحاج خلیل افندی حضرت ایله بولیده مقیم زاویه  
طاعت اولان دیار بکرلی حاجی مصطفی افندی و عباس پاشا تکبسی شیخی  
محمد افندی و سلانیکده اصحاب رسع آمدن مصطفی افندی و قونیه مقبسی  
عبد الاحد افندی و قونیه تقیبی محمود افندی و قونیه علماسندن وارباب در سعامدن  
حاجی مصطفی افندی وینه قونیه علماسندن و اصحاب در سعامدن محمد افندی  
و بورقضا سنده مقیم مرعشی زاده حاجی احمد افندی و مناسرت مقبسی شریف  
افندی و سابقا مقبسی سلیمان افندی و مشایخ کرامدن حسن افندی و سیروز  
مقبسی شوقی افندی و سیروز علماسندن وارباب در سعامدن حاجی حسن افندی  
و آیدین کوزلحصاری علماسندن سجودی افندی حضراتی بودقه در سعادت  
واصل اولمشدر وزیرای عظام مشارالیه من سلانیک محصلی عمر پاشا  
حضرت ترینه عواطف علیه شاهانه دن حضور فائض انور جناب ملوکانه ده  
نشان ذیشان افتخار احسانیه حائر لطف و منجرت اولمش و ذوات شریفه  
مشار الیه نک دخی بو وجهله قدوم برکت لزوم لری بفضلہ تعالی محض فیض  
و مینت اولهرق ربمن تعالی حضرت لری توکنز عمر و اقبال احسان بیورسون  
امام المسلمین و محیی قلوب علما و عارفین اولان ولی نعمت پادشاهنر افتدیمز  
حضرت لری تلطیف و تطیبات طرف اشرف حضرت شاهانه دن اولهرق سوال خاطر

و خوش آمدی مر اسمی بالاجرا لوازم کرامیه لری ایفایورلمشدر  
اسلامبول قاضی چرکشی محمد افندی حضرت لرینک یکن ذی الحجة اشرفیه  
غایتنده ختامه رسیده اوله حق مدت معینه سنه اشبو سال مسرت اشمال جدید  
شهر ربیع الاخری غایتنه دکن ضبط ایتک اوزره درت ماه مد احسان همایون  
پادشاه قدرا گاه بیورلمشدر

اجله رجال دولت علیه دن حالا مقاطعات ناظری دولتلو عبدالرحمن نافذ افندی  
حضرت لرینک درایت ذاتیه لری اقتضاسنجیه مقاطعات خزینیه سی مصالح  
جلبله سنک حسن اداره و تسویه سی خصوصنده درکار اولان اقدامات کامله  
و استقامت شامله لری مستلزم پسند و تحسین عالی بیوریلهرق عواطف علیه جناب  
شاهانه دن ذات لرینه مخصوص اولوق اوزره افندی مومی ایله حضرت لرینه  
اشبو محرم الحرام اوچنجی بازار ایرتسی کونی حضور همایون مکارممنون  
حضرت ملوکانه ده رتبه اولی نشان افتخاری عنایت و احسان بیورلمش  
و خزینیه مر قومه ده مقاطعات ذمتی اولان حسنی افندی به دخی مشهود اولان  
غیرت و استقامتیه مقابل کذلک ذاته مخصوص اولوق اوزره رتبه رابعه  
نشان افتخاری احسان و اعطا و خزینیه مر قومه ده کبسه دار  
اوطه سده مستخدم نوری افندی به دخی لیاقت و استحقاقی جهتیه دیوان  
همایون خواجه اغی رتبه معتبره سی توجیه و عنایت بیوریلهرق اقتضایدن  
بروات علیه ورؤس همایون اصدار و اجرا قلمشدر

